

Odluka Visokog Predstavnika o izmjenama i dopunama Odluke o Javnoj Radio i Televiziji Bosne i Hercegovine

n. 21/00

U sklopu primjene svojih ovlasti koje su mi date članom 5 Aneksa 10 Općeg okvirnog sporazuma za mir (u daljem tekstu: GFAP), prema kojem Visoki predstavnik predstavlja konačni autoritet za tumačenje svoga mandata; te posebno imajući u vidu član II.1.(d) istog Sporazuma, prema kojemu je Visoki predstavnik ovlašten “da omogući, onako kako Visoki Predstavnik smatra potrebnim, rješavanje svih teskoca koje se jave u vezi sa implementacijom civilnog dijela Sporazuma”; pozivajući se na tumačenje takvih ovlastenja koje se navodi u stavu XI.2 Zaključaka Konferencije za provedbu mira održane u Bonnu 10. decembra 1997. godine, posebno u tački (b) ovoga stava, prema kojemu je Visoki predstavnik ovlašten da donosi obavezujuće odluke, kako smatra potrebnim, o usvajanju mjera koje imaju za cilj osiguranje implementacije mirovnog sporazuma u cijeloj Bosni i Hercegovini (u daljem tekstu: BiH), uključujući “i privremene mjere, koje stupaju na snagu kada strane nisu u stanju da postignu sporazum”;

Uvidjajući da, u skladu sa nadležnostima institucija Bosne i Hercegovine za dodjelu frekvencija u svrhe emitiranja programa, kako je predviđeno Zakonom o telekomunikacijama Bosne i Hercegovine, članom III.1.(h) Aneksa 4 i članom 3 Aneksa IX Općeg okvirnog sporazuma za mir u Bosni i Hercegovini jasno se uspostavlja mogućnost da institucije Bosne i Hercegovine i entiteta osnuju i upravljaju, pojedinačno ili zajednički, komunikacijskim sredstvima u obliku javnih radio i televizijskih preduzeća;

Imajuci u vidu preporuke koje navodi Vijece za implementaciju mira (u daljem tekstu: PIC) u stavu 63. Luksemburske deklaracije od 9. juna 1998. godine, u kojem se stranama skrece paznja na vaznost sistema javnog emitiranja u Bosni i Hercegovini i u kojem se strane pozivaju, s ciljem ostvarenja ovog cilja, na saradnju sa Visokim predstavnikom u restruktuiranju RTV BiH i integriranju prijenosnog sistema; takodjer se pozivajuci na daljnje preporuke PIC-a u poglavlju V, stav 21. i 24. Madridske deklaracije od 16. decembra 1998. godine, u kojima se ponovo potvrđuju oba cilja sa narocitom paznjom na uspostavljanje integrirane televizijske mreze Federacije koja ce svim zajednicama u potpunosti omoguciti ostvarenje njihovih prava i koja ce imati transparentno financiranje, te osnivanje javne korporacije za emitiranje i prijenos programa;

Primajuci k znanju da je, u skladu sa gore pomenutim preporukama, Predsjedništvo BiH 11. juna 1998. godine usvojilo Memorandum kojim se izrazava opredjeljenost za uspostavu javnog radio i TV servisa za cijelu BiH; i konacno primajuci k znanju cinjenicu da se zbog politickih i finansijskih poteskoca koje su se pojavile u toku implementacije Odluke Visokog predstavnika od 30. jula 1999. godine o restruktuiranju sistema javnog emitiranja u Bosni i Hercegovini, nisu mogli ispostovati rokovi za potpunu uspostavu javne radio i televizije Bosne i Hercegovine;

Uvidjajuci, imajuci na umu i primajuci k znanju gore navedeno, donosim

ODLUKU

O IZMJENAMA I DOPUNAMA ODLUKE O JAVNOJ RADIO I TELEVIZIJI BOSNE I HERCEGOVINE

Clan 1

Clan 13. Odluke Visokog predstavnika od 30. jula 1999. godine o Javnoj radio i televiziji Bosne i Hercegovine koji takodje predstavlja Aneks I Odluke o restruktuiranju sistema javnog emitiranja u Bosni i Hercegovini, koja je objavljena u Sl. glasniku Bosne i Hercegovine, broj 14/99, i Sl. novinama Federacije Bosne i Hercegovine, broj 37/99, se u cjelosti zamjenjuje slijedecim tekstom:

"Clan 13"

Mandat svih clanova prijelaznih organa Javne radio-televizijske sluzbe Bosne i Hercegovine (u daljem tekstu: PBS BiH ili JRT BiH) se nastavlja dok se ne postigne slijedece:

1. Da Osnivacki odbor utvrdi budzet, te imenuje rukovodece i ostalo osoblje za izvršenje navedenih zadataka PBS BiH. Dok se ne izvrše ova imenovanja, Osnivacki odbor ima ovlasti da imenuje ili otpusti postojece osoblje RTV BiH ukoliko to bude potrebno;
2. Da Osnivacki odbor usvoji privremenu povelju u kojoj su navedeni principi uredjivacke nezavisnosti, finansijske transparentnosti i etnicke i religijske tolerancije, u skladu sa najvisim medjunarodnim standardima;
3. Da Izvrsna komisija Osnivackog odbora podnese Vijecu ministara Bosne i Hercegovine nacrt Zakona o Javnoj radio-televizijskoj sluzbi Bosne i Hercegovine, koji odobrava Osnivacki odbor, a koji ce biti pripremljen u konsultacijama sa medjunarodnim strucnjacima. Nacrt Zakona postivace principe navedene u Prvom dijelu ove Odluke;
4. Visoki predstavnik ce ustanoviti kada su ispunjeni gore navedeni zahtjevi, i kada je moguće okoncati mandat clanova gore navedenih prijelaznih organa PBS BiH.

Clan 2.

Ova Odluka ima vecu pravnu snagu od svih drugih zakonskih i

ostalnih odredbi, koje su na snazi u vrijeme njenog proglašenja, a koje nisu u skladu sa ovom Odlukom. Ova Odluka stupa na snagu 17. marta 2000. godine i biti će propisno distribuirana. Ova Odluka će se objaviti u Službenom glasniku Bosne i Hercegovine i službenim glasilima Federacije Bosne i Hercegovine i Republike Srpske, čim to bude praktično moguće.

U Sarajevu, 16. marta 2000. godine

Wolfgang Petritsch

Visoki predstavnik

Office of the High Representative